

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Broj: P-08/14

Na osnovu članova Zakona o zdravstvenoj zaštiti Federacije Bosne i Hercegovine (Službene novine FBiH, broj 46/10), članova 63 i 91. Statuta Komore diplomiranih zdravstvenih inženjera svih profila Federacije Bosne i Hercegovine (u daljem tekstu: Komore), na prijedlog Komisije za praćenje pravila – kodeksa zdravstvene etike i deontologije Komore diplomiranih zdravstvenih inženjera svih profila FBiH, Skupština Komore je dana 06.12.2014. godine usvojila:

**KODEKS ZDRAVSTVENE ETIKE I DEONTOLOGIJE KOMORE DIPLOMIRANIH
ZDRAVSTVENIH INŽINJERA SVIH PROFILA FEDERACIJE BOSNE I
HERCEGOVINE**

I OPŠTE ODREDBE

Član 1.

Kodeks sadrži sistem vrijednosti i pravila profesionalnog ponašanja kojih su se diplomirani zdravstveni inženjeri/profesionalci iz ovog člana obavezni pridržavati u svom stručnom radu.

Kodeks se odnosi na svakog člana Komore, koji se samim članstvom obvezuje da će ga poštovati i primjenjivati u praksi.

Izrazi koji se koriste u ovome Pravilniku, a imaju rodno značenje, bez obzira jesu li korišteni u muškom ili ženskom rodu, obuhvaćaju na jednak način muški i ženski rod.

Kodeks etike i deontologije namenjen je diplomiranim zdravstvenim inženjerima/profesionalcima koji rade na neposrednim poslovima zdravstvene zaštite i koji su članovi Komore diplomiranih zdravstvenih inženjera svih profila Federacije Bosne i Hercegovine.

Zdravstveni radnici iz stava 4. ovog Člana obavezni su učlaniti se u Komoru, moraju biti upisani u registar Komore te imati, u skladu sa zakonom, odobrenje za samostalan rad – licencu.

Zdravstvenom radniku iz stava 4. ovog Člana časna je dužnost svoju djelatnost posvetiti zdravlju i dobrobiti čovjeka.

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Zdravstveni radnik iz stava 4. ovog Člana pokazat će visoki stepen humanosti i pružiti sve dostupne usluge jednako svima bez diskriminacije ili povlašćivanja, te bez obzira na dob, spol, rasu, nacionalnost, vjeru ili političko opredeljenje, obrazovanje, imovinski ili društveni položaj, bračni ili porodični status, polnu orijentaciju ili na bilo kojoj drugoj osnovi, poštujući pri tom ljudska prava i dostojanstvo osobe.

Poštujući Kodeks zdravstveni radnik iz stava 4. ovog Člana poštova će, održavati, te unapređivati plemenitu tradiciju poziva zdravstvenih radnika, održavajući visoke standarde stručnog rada i etičkog ponašanja.

U svom radu čuva će ugled i dostojanstvo zdravstvenih radnika i svoje struke, te se časno odnositi prema svojim kolegama.

Komisija za etiku i deontologiju Komore, su tijela odgovorna za sastavljanje, obnavljanje i pojašnjavanje nejasnoća vezanih za primjenu ili interpretaciju Kodeksa.

Zdravstveni radnik iz stava 4. ovog Člana se prilikom obavljanja zdravstvene djelatnosti pridržava zakona i pravilnika u oblasti zdravstva, propisa koje donosi Komora, te ostalih pozitivnih propisa u Bosni i Hercegovini.

Zdravstveni radnik iz stava 4. ovog Člana obavezan je odbiti svaku radnju koja je u suprotnosti sa načelima iznešenim u Kodeksu, a Komora mu je obavezna pomoći svim pravnim i stručnim sredstvima ako se ukaže potreba.

Komisija za etiku i deontologiju pokreću postupak protiv članova koji krše jedno od temeljnih načela ili pojedine odredbe Kodeksa.

Disciplinski postupak zbog povrede Kodeksa propisan je aktima Komore.

II OSNOVNA NAČELA

Član 2.

1. Zabrana diskriminacije, te poštivanje prava i dostojanstva svake osobe;
2. Dužnost obavljanja djelatnosti u skladu pozitivnim propisima Federacije BiH;
3. Prihvatanje odgovornosti za ispravne postupke u pružanju zdravstvenih usluga;
4. Osigurati časnu, kompetentnu i odgovornu uslugu;
5. Osigurati kvalitetnu uslugu;
6. Pravo na poštenu i pravednu plaću za svoje usluge;
7. Zaštita pacijenatovih, odnosno korisnikovih podataka prema drugim osobama, poslodavcu, i široj zajednici o provedenoj zdravstvenoj zaštiti i / ili usluzi;

KOMORA DIPLOMIranih ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

8. Odnosi prema drugim zdravstvenim radnicima i struci;
9. Odnos prema Komori i Tijelima Komore;
10. Poštivanje kompetencija.

**1. ZABRANA DISKRIMINACIJE, TE POŠTIVANJE PRAVA I DOSTOJANSTVA
SVAKE OSOBE**

Član 3.

Diplomiranom zdravstvenom inženjeru/profesionalcu časna je dužnost svoju djelatnost posvetiti zdravlju i dobrobiti čovjeka.

Diplomirani zdravstveni inženjer/profesionalc pokazat će visoki stepen humanosti i pružiti sve dostupne usluge jednako svima bez diskriminacije ili povlašćivanja, te bez obzira na dob, spol, rasu, nacionalnost, vjeru ili političko uvjerenje, status onesposobljenosti, obrazovanje, imovinski ili društveni položaj, bračni ili porodični status, spolnu orijentaciju ili na bilo kojoj drugoj osnovi, poštujući pri tom ljudska prava i dostojanstvo osobe.

U odnosu prema građanima diplomirani zdravstveni inženjer/profesionalc postupa profesionalno, nepristrano i pristojno.

Diplomirani zdravstveni inženjer/profesionalc će poštovati prava građana smatrajući dobrobit građana svojom prvom i osnovnom brigom.

Svoj će posao obavljati stručno i etički besprijekorno, ne iskorištavajući čovjeka niti emotivno, niti tjelesno niti materijalno.

Diplomirani zdravstveni inženjer/profesionalc poštovat će pravo duševno sposobnog i svjesnog građana da dobro obaviješten slobodno prihvati ili odbije pojedinog zdravstvenog radnika, odnosno preporučenu zdravstvenu pomoć, sukladno posebnim propisima.

Za sve postupke provedene na korisniku usluga, korisnik mora dati pristanak u stanju ubroživosti.

Diplomirani zdravstveni inženjer/profesionalc, a koji je ovlašten pružati informacije temeljem Zakona, treba korisniku usluge osigurati dostatnu informiranost kako bi korisnik mogao donijeti odluku o svom zdravlju i dobrobiti.

Poštivanje prava pacijenta/korisnika na samoodlučivanje podrazumijeva pravo korisnika usluge na sudjelovanje u donošenju odluka o postupku, pravo na drugo mišljenje i pravo na prestanak postupka.

**KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE**

Korisnik usluge treba biti upoznat s mogućnostima odbijanja intervencije te isto treba poštivati i dokumentirati.

**2. DUŽNOST OBAVLJANJA DJELATNOSTI U SKLADU SA POZITIVNIM
PROPISIMA BOSNE I HERCEGOVINE I FEDERACIJE BOSNE I HERCEGOVINE**

Član 4.

Diplomirani zdravstveni inženjer/professionalc se prilikom obavljanja zdravstvene djelatnosti pridržava Zakona u oblasti zdravstva, propisa koje donosi Komora, te pozitivnih propisa u BiH i Federaciji BiH.

U obavljanju dužnosti diplomirani zdravstveni inženjer/professionalc primjenjuje stručno znanje na takav način da građanima pomaže u ostvarivanju njihovih prava, postupajući pritom u skladu s načelom zakonitosti i načelom zaštite javnog interesa.

Diplomirani zdravstveni inženjer/professionalc ne smije koristiti naziv koji nije stekao u skladu s odgovarajućim zakonskim propisima.

Za provođenje usluga djeci do 16. godine postupak će se obaviti uz pristanak roditelja ili zakonskog skrbnika odnosno starijih najbližih punoljetnih članova obitelji koji su u pratnji djeteta, osim u hitnim slučajevima.

Ako stariji maloljetnik (16-18 godina) dođe s uputnicom potpisanom od strane liječnika koji traži pretragu ili postupak, potpisana uputnica smatrat će se pristankom roditelja.

**3. PRIHVAĆANJE ODGOVORNOSTI ZA ISPRAVNE POSTUPKE U PRUŽANJU
ZDRAVSTVENIH USLUGA**

Član 5.

Diplomirani zdravstveni inženjer/professionalc je u obavljanju svog poziva samostalan u granicama svoje osposobljenosti i za svoj je rad odgovoran pred svojom savješću i društvu.

Diplomirani zdravstveni inženjer/professionalc ima pravo odbiti izvršenje usluge osobi koja se svjesno nedolično ponaša, uvredljivo ili prijeteći, osim ako osobi prijeti invalidnost, odnosno opasnost po život kada je zdravstveni radnik dužan pružiti uslugu.

4. OSIGURATI ČASNU, KOMPETENTNU I ODGOVORNU USLUGU

Član 6.

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

U svim oblicima javnih nastupa i djelovanja diplomirani zdravstveni inženjer/profesionalc iznosi stavove u skladu s propisima, dobivenim ovlastima, stručnim znanjem i odredbama Kodeksa.

Diplomirani zdravstveni inženjer/profesionalc mora u obavljanju svoje djelatnosti pružiti najbolje i najprihvatljivije rješenje za korisnika usluge, kako bi se zadovoljili zajednički ciljevi.

Diplomirani zdravstveni inženjer/profesionalc u obavljanju svoje djelatnosti mora biti vjerodostojan, odnosno točno informirati korisnika usluge o prirodi usluge koju mu pruža, kao i pripadajuće vremenske rokove i financijske troškove.

Diplomirani zdravstveni inženjer/profesionalc ima pravo na priziv savjesti, ako time ne uzrokuje trajne posljedice za zdravlje ili ne ugrozi život.

Diplomirani zdravstveni inženjer/profesionalc čuvati će svoj stručni ugled i neovisnost, ne pristajući da mu se ime ističe i povezuje s trgovačkim aktivnostima radi stjecanja osobne koristi. Izbjegavat će stjecanje i širenje ugleda samoisticanjem i netočnim samooglašavanjem u sredstvima javnog priopćavanja.

Diplomirani zdravstveni inženjer/profesionalc neće surađivati s pojedincima, ustanovama ili društvima koja zloupotrebe povjerenje javnosti zastupajući neprovjerene stvari i postupke namijenjene liječenju, čuvanju i promociji zdravlja.

5. OSIGURATI KVALITETNU USLUGU

Član 7.

Diplomirani zdravstveni inženjer/profesionalc obavezan je obavljati zdravstveno prosvjećivanje na svojem radnom mjestu i u svakodnevnom životu. Na taj način sudjeluje u poboljšanju kvalitete čovjekovog života.

Svaki korisnik usluge ima pravo na: uslugu visoke kvalitete, informaciju, informirani pristanak, povjerljivost, pristup vlastitim podacima, zdravstveno savjetovanje te izabrati tko ima pravo na informacije o njegovom zdravstvenom stanju.

U svrhu zaštite privatnosti korisnika usluga, eventualno uzimanje uzoraka se treba provoditi u posebnim prostorijama ili kabinama sukladno vrsti primarnog uzorka koji se prikuplja ili podacima koji se traže, a iz istih razloga trebaju postojati pravila za ograničeni pristup neovlaštenih osoba u službene prostorije.

**KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE**

Ukoliko diplomirani zdravstveni inženjer/professionalc rukuje s biološkim uzorcima mora postupati s biološkim uzorkom ispitanika sukladno racionalnoj praksi. Ako uzorak dolazi u stanju koje je neprikladno za traženo ispitivanje, na takvom uzorku ne radi se tražena pretraga nego se postupa po protokolu za neprihvatanje uzoraka.

6. PRAVO NA POŠTENU I PRAVEDNU PLAĆU ZA SVOJE USLUGE

Član 8.

Osim redovne nagrade za svoj rad, u obliku plaće ili honorara i zadovoljstva da je pomogao čovjeku, drugo stjecanje materijalne ili bilo koje druge koristi iz njegova rada protivno je ovom Kodeksu.

7. ZAŠTITA PACIJENTOVIH, KORISNIKOVIH PODATAKA PREMA DRUGIM OSOBAMA, POSLODAVCU I ŠIROJ ZAJEDNICI O PROVEDENOJ ZDRAVSTVENOJ ZAŠTITI I / ILI USLUZI

Član 9.

Diplomirani zdravstveni inženjer/professionalc obavezan je zaštititi sve podatke koje je dobio od klijenta pri pružanju usluge, vezano uz njegovu bolest ili dijagnozu. To je načelo profesionalne tajne i njeno kršenje kažnjivo je po propisima.

Sve ono što je diplomirani zdravstveni inženjer/professionalc saznao obavljajući svoj posao smatra se tajnom. Čuvanje te tajne proteže se i na sve sisteme kojima se podaci prenose, obrađuju i pohranjuju.

Diplomirani zdravstveni inženjer/professionalc treba prikupljati samo one informacije o korisniku, odnosno pacijentu, koje su potrebne za identifikaciju korisnika, provedbu stručne procjene, izvršenje dijagnostičkog postupka, utvrđivanje rizičnih faktora u svrhu zaštite korisnika usluge i zdravstvenog radnika, financijsku provjeru, fakturiranje te zaštitu osoblja i drugih osoba od prenosivih bolesti, u skladu s kompetencijama.

Ako se rezultati ispitivanja upućuju korisniku elektronskim putem potrebno je osigurati da sustav bude zaštićen od zlouporabe.

8. ODNOSI PREMA DRUGIM ZDRAVSTVENIM RADNICIMA I STRUCI

Član 10.

**KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE**

Poštujući Kodeks diplomirani zdravstveni inženjer/profesionalc. poštovati će, održavati, te unaprjeđivati plemenitu tradiciju poziva zdravstvenih radnika, održavajući visoke standarde stručnog rada i etičkog ponašanja.

U svom radu čuvat će ugled i dostojanstvo zdravstvenih radnika i svoje struke, te se časno odnositi prema svojim kolegama.

Diplomirani zdravstveni inženjer/profesionalc će se odnositi prema drugim kolegama onako kako bi on želio da se oni odnose prema njemu. Svojim će učiteljima iskazivati poštovanje i zahvalnost za znanje, vještine i odgoj koji je od njih primio. Diplomirani zdravstveni inženjer/profesionalc dužan je prenositi svoje vještine budućim saradnicima te poticati etično ponašanje saradnika i kolega.

Diplomirani zdravstveni inženjer/profesionalc treba oduprijeti svim nastojanjima skupina ili pojedinaca koji svjesno narušavaju etička i stručna načela zbog osobnih interesa, a na štetu korisnika zdravstvene usluge.

Diplomirani zdravstveni inženjer/profesionalc ima pravo na poštivanje vlastitog dostojanstva od strane drugih osoba uključenih u terapijski ili dijagnostički proces.

Diplomirani zdravstveni inženjer/profesionalc će podijeliti svoje znanje s kolegama i promovirati cjeloživotno obrazovanje.

Saradnja diplomiranih zdravstvenih radnik treba se temeljiti na uzajamnom povjerenju, kolegijalnosti i suradnji, pri čemu različita mišljenja i konstruktivna kritika nikad ne smiju dovesti do nekorektnosti u međuljudskim odnosima i narušavanju digniteta osobe i struke.

Ako saradnik ili drugo zdravstveno osoblje zatraži savjet i/ili pomoć, pružit će mu je nesebično i prema svom najboljem znanju. Diplomirani zdravstveni inženjer/profesionalc treba uvažavati stručno mišljenje kolega, poštovati odgovornost te poticati timski rad.

Obveza je zdravstvenog radnika da upozori saradnike na učinjene propuste na način koji neće povrijediti njihovo ljudsko i profesionalno dostojanstvo.

Obveza je zdravstvenog radnika koji upućuje korisnika usluge drugom zdravstvenom radniku, obavijestiti ga o pojedinostima koje bi mogle naškoditi odnosno ugroziti zdravlje ili život zdravstvenog radnika.

Diplomirani zdravstveni r inženjer/profesionalc će promovirati sliku i status struke održavanjem visokih standarda u svojoj profesionalnoj praksi i kroz aktivnu podršku

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

njihovih stručnih tijela, a svojim ponašanjem i djelovanjem čuvat će ugled zdravstvenih radnika.

Diplomirani zdravstveni inženjer/professionalc je dužan sudjelovati u radu stručnih tijela na području svoje djelatnosti i srodnih struka ako je pozvan. Osobno je pravo zdravstvenog radnika članstvo i sudjelovanje u radu strukovnih udruga koje štite njegove profesionalne interese.

Diplomirani zdravstveni inženjer/professionalc ne smije upotrebljavati nazive i oznake zvanja, stručnog i naučnog stepena, ako ne odgovaraju stvarnom obrazovanju, niti su mu zakonski dodijeljeni.

Diplomirani zdravstveni inženjer/professionalc koristit će stručni ili naziv koji tačno opisuje njihov profesionalni status.

9. ODNOS PREMA KOMORI I TIJELIMA KOMORE

Član 11.

Diplomirani zdravstveni inženjer/professionalc koji obavlja svoju djelatnost obvezni su se učlaniti u Komoru, odnosno moraju biti upisani u Registar Komore te imati, u skladu sa zakonom, odobrenje za samostalan rad.

Za trajanja mandata dužnosnici Komore u svojim istupima, kontaktima i djelovanju moraju osigurati promociju Komore.

Svoj rad i djelovanje dužnosnik Komore temelji na dosljednom poštivanju demokratske procedure, Statuta i akta Komore.

Diplomirani zdravstveni inženjer/professionalc obavezan je odbiti svaku radnju koja je u suprotnosti sa načelima iznesenim u Kodeksu, a Komora mu je obavezna pomoći svim pravnim i stručnim sredstvima ako se ukaže potreba.

Ako diplomirani zdravstveni inženjer/professionalc nije siguran da li je određena situacija u skladu s ovim Kodeksom, dužan se savjetovati se sa Komisijom za praćenje pravila – kodeksa zdravstvene etike i deontologije Komore.

Diplomirani zdravstveni inženjer/professionalc će Komoru diplomiranih zdravstvenih inženjera svih profila Federacije BiH smatrati svojom stručnom maticom, čuvajući i promovišući joj ugled, kako u struci tako i u široj javnosti.

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Diplomirani zdravstveni inženjer/professionalc je dužan poštovati Statut i druge opće akte i sve druge odluke i upute Komore i na vrijeme ispunjavati sve obveze prema Komori.

Diplomirani zdravstveni inženjeri/professionalci dužni su u svom radu pridržavati se Standarda u praksi koje će općim aktom utvrditi Komora.

Diplomirani zdravstveni inženjer/professionalc mora odbiti svaku saradnju s osobama za koje zna da nezakonito ili neetički obavljaju zdravstvenu djelatnost. O takvim slučajevima neće raspravljati s korisnicima usluga kao ni sa drugim kolegama nego će se obratiti stručnim tijelima Komore.

10. POŠTIVANJE KOMPETENCIJA

Član 12.

Diplomirani zdravstveni inženjer/professionalc obavezan je raditi posao za koji je educiran, pri čemu ne smije preuzimati nikakav posao izvan njegove profesionalne kompetencije.

III SUDJELOVANJE U ISTRAŽIVANJIMA I OBJAVLJIVANJE RADOVA

Član 13.

Diplomirani zdravstveni inženjer/professionalc angažirani u naučnim istraživanju trebaju se pridržavati etičkih normi, pravila i propisa koji su važeći za sva istraživanja u kojima su ljudi subjekt istraživanja.

Tokom planiranja i provođenja istraživanja diplomirani zdravstveni inženjer/professionalc je dužan osigurati: informirani pristanak osobe na sudjelovanje u istraživanju, povjerljivost podataka vezanih uz sudionika istraživanja, te sigurnost i dobrobit osobe.

Prilikom izvještavanja o rezultatima provedenih istraživanja u stručnim i/ili naučnim publikacijama, te prilikom objavljivanja drugih pismenih uradaka vezanih uz zdravstvenu djelatnost diplomirani zdravstveni inženjer/professionalc je dužan osigurati poštivanje autorskih prava. Plagiranje je ekstremni oblik neetičnog odnosa prema tuđem radu.

Kada korisnik usluge sudjeluje u istraživanjima i/ili edukacijskim aktivnostima, iste je potrebno potkrijepiti pismenim odobrenjem korisnika te ga upoznati sa svim potencijalnim rizicima i ishodima.

Korisnik usluge može odbiti sudjelovanje u istraživanjima i edukacijskim aktivnostima, bez ikakvih posljedica vezanih uz uslugu koju mu diplomirani zdravstveni inženjer/professionalc pruža.

Član 14.

Diplomirani zdravstveni inženjer/professionalc smije objavljivati isključivo vlastite autorske radove ili kao koautor u slučajevima u kojima je dao svoj značajan doprinos, a ne kao odraz funkcionalnog položaja.

U slučaju objavljivanja fotografija ili video materijala korisnika usluge na kojima je vidljivo lice ili druge identificirajuće specifičnosti, a u svrhu izrade brošura, web stranice, prezentacija, stručnih izlaganja, ilustriranja knjiga, letaka, časopisa i sličnog, potrebno je tražiti pismeno odobrenje od korisnika ili njegovih skrbnika.

U slučaju objavljivanja prikaza slučaja u kojemu se opisuje korisnik i njegovo zdravstveno stanje, potrebno je zaštititi identitet korisnika, te tražiti pismeno odobrenje korištenja podataka od korisnika ili njegovih skrbnika.

IV. IZBOR METODOLOGIJE I TEHNOLOGIJE

Član 15.

Oprema, pribor i reagensi kojima se u radu služe diplomirani zdravstveni inženjer/professionalc moraju zadovoljavati kvalitetom prema postojećim spoznajama struke, a u skladu s materijalnim mogućnostima.

Sva ispitivanja i postupci trebaju se provesti prema odgovarajućim standardima i s razinom vještine i kompetencije koja se očekuje od djelatnosti. Krivotvorenje rezultata potpuno je neprihvatljivo.

Kod ispitivanja opreme, reagensa i/ili postupaka treba osigurati mjere kojima će se spriječiti negativni utjecaji i neetičke ponude.

Diplomirani zdravstveni inženjer/professionalc će u svojem postupku postupati će ekonomično, sukladno racionalnoj zdravstvenoj praksi. Nepotrebne radnje neće provoditi, bez obzira na to tko snosi troškove.

V. KONTROLA, OCJENA I PROCJENA KVALITETE RADA

Član 16.

Ispravnost i pravovaljanost rezultata rada prati se unutarnjom i vanjskom procjenom kvalitete u kojoj sudjeluju i diplomirani zdravstveni inženjeri/professionalci, te su dužni voditi odgovarajuće zapise te ih pohraniti na tačno određen vremenski period. Samo

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

stručno zdravstveno osoblje može imati pristup pisanim dokumentima, dok pristup računalnim podacima o korisniku mogu imati samo ovlaštene osobe.

VI ZDRAVSTVENI RADNIK KAO EDUKATOR

Član 17.

Obveza je diplomiranih zdravstvenih inženjera/profesionalca praćenje napretka u struci i stalno obrazovanje.

Diplomirani zdravstveni inženjer/profesionalc koji je ovlašten i odgovoran za obrazovanje i profesionalni razvoj drugih zdravstvenih radnika mora težiti kompetentnom planiranju obrazovnih programa koji će omogućavati stjecanje potrebnih znanja, vještina i iskustava koja udovoljavaju zahtjevima za stjecanje odgovarajućih potvrda.

Kad je uključen kao nastavnik u obrazovni proces ili u bilo koju vrstu edukacije, diplomirani zdravstveni inženjer/profesionalc mora pružiti tačne informacije temeljene na stručnoj literaturi i saznanjima proizašlim iz prakse zasnovane na dokazima.

Diplomirani zdravstveni inženjer/profesionalc koji sudjeluje u nastavi ili kao voditelj bilo koje vrste stručne edukacije, mora izbjegavati ponašanja kojima će zlorabiti svoj položaj ili na bilo koji način ugrožavati integritet i samopoštovanje studenta.

Diplomirani zdravstveni inženjer/profesionalc ne smije podučavati korištenje specijaliziranih tehnika ili postupaka ukoliko sam ne posjeduje licencu koja ga ovlašćuje za navedeno. Pritom će podučavati samo one osobe koje imaju nužno temeljno obrazovanje, specijalizaciju, radno iskustvo ili neki drugi dokaz stručnosti.

Diplomirani zdravstveni inženjer/profesionalc koji sudjeluju u ocjenjivanju kolega i drugim oblicima praktične evaluacije ne smiju rezultate provedenih postupaka objaviti drugim osobama bez njihove dozvole.

VII DISCIPLINSKA ODGOVORNOST

Član 18.

Zakonom o zdravstvenoj zaštiti Federacije BiH i Statutom KDZIFBiH su propisana djela koja podliježu sankcijama, jer se radi o lakšim ili težim disciplinskim povredama.

Član 19.

KOMORA DIPLOMIRANIH ZDRAVSTVENIH INŽINJERA SVIH PROFILA
FEDERACIJE BOSNE I HERCEGOVINE

Disciplinska odgovornost i postupak utvrđivanja disciplinske odgovornosti bliže će se utvrditi Pravilnikom o pravima i odgovornostima članova Komore.

Član 20.

Komisija za praćenje pravila – kodeksa zdravstvene etike i deontologije Komore po utvrđenoj lakšoj disciplinskoj povredi izdaje opomenu o povredi Kodeksa, Statuta i drugog propisnog akta Komore. U slučaju ponavljanja djela Komisija podnosi prijavu Sudu Komore.

Kada Komisija za praćenje pravila – kodeksa zdravstvene etike i deontologije Komore, a po prispjeloj prijavi procjeni da se radi o težoj disciplinskoj povredi postupak prosljeđuje Sudu Komore.

VIII ZAVRŠNE ODREDBE

Član 21.

Poštivanje odredbi ovog Kodeksa obavezno je za sve diplomirane zdravstvene inženjere/profesionalce. Povrede odredbi ovog Kodeksa disciplinske su povrede.

Disciplinski postupak zbog povrede Kodeksa propisan je aktima Komore.

Član 22.

Kaznena i prekršajna odgovornost diplomiranog zdravstvenog inženjera/profesionalca ili disciplinska odgovornost u zdravstvenoj ustanovi, trgovačkom društvu ili drugoj pravnoj ili fizičkoj osobi koja obavlja zdravstvenu djelatnost, ne isključuje pokretanje disciplinskoga postupka pred nadležnim sudom Komore.

Član 23.

Komisija za praćenje pravila – kodeksa zdravstvene etike i deontologije Komore je odgovorna za sastavljanje, obnavljanje i pojašnjavanje nejasnoća vezanih uz primjenu ili interpretaciju Kodeksa.

Komisija za praćenje pravila – kodeksa zdravstvene etike i deontologije Komore mora pokrenuti postupak protiv članova koji krše jedno od temeljnih načela ili pojedine odredbe Kodeksa kod suda Komore.

Disciplinski postupak zbog povrede Kodeksa propisan je aktima Komore.



Član 24.

Upravni odbor na prijedlog Komisije za praćenje pravila – kodeksa zdravstvene etike i deontologije Komore diplomiranih zdravstvenih inženjera svih profila FBiH većinom glasova usvaja Pravilnik i postaje važeći danom donošenja.

Izmjene i dopune ovog Pravilnika donose se po istom postupku kao i Pravilnik.

Predsjednik Skupštine Komore diplomiranih
zdravstvenih inženjera svih profila FBiH